

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Euskara eta Kultura Saila**

Bizkaiko Foru Aldundiaren 57/2019 FORU DEKRETUA, maiatzaren 21ekoa. Honen bidez, 2019. urtean Bizkaiko Lurralde Historikoko udal erakusketaretoek garrantzi bereziko praktika artistiko garaikideak zabaltzeko programatzen dituzten erakusketa koordinatuak sustatzeko Aldundiak emango dituen diru-laguntzen oinarri arautzaileak eta deialdia onartzen dira.

Euskal Autonomi Erkidego Osorako Erakundeen eta Lurralde Historikoetako Foru Erakundeen arteko Harremanei buruzko 1983ko azaroaren 25eko 27/1983 Legeak, bere 7.a) artikuluan, eskumen eksklusiboa ematen die lurralde historikoei, besteak beste, lurralde historikoaren titulartasunekoak diren eta arte ederrekin eta artisautzarekin zerikusia duten artxibo, biblioteca, museo eta erakundeen arloan eta Lurralde Historikoaren interesekoak diren kultur erakundeak sortu eta mantentzearen arloan.

Eskumen horiek betetzeko, Bizkaiko Foru Aldundiak kultura-diziplina guztietan bultzatu, sustatu eta hedatzeko helburua duten jardun-lerro batzuk dauzka abiatuta. Haien bidez, batetik, Arte Ederren arloko sormen artistikoa eta hedapena sustatu nahi dira; bestetik, Bizkaiko arte-sortzaileak bultzatu eta sustatu nahi dira, eta, azkenik, Bizkaiko kultura-erakundeek Bizkaian Arte Ederrak bultzatu, zabaldu eta sustatzeko Aldundiari egiten dizkioten proposamenei erantzun nahi zaie.

Zehazki, eta herri administrazio guztiei kultura sustatzeko onartzen zaien eskumena garatzeko, Aldundiak hainbat diru-laguntza ildo ditu, Bizkaiko udalei eta toki-erakunde autonomoei laguntzeko, haien kultur jarduera garatu dezaten.

Goian zehaztutako testuinguru horren barruan, Bizkaiko Foru Aldundiak, lurraldean sormen artistikoa sustatu, indartu eta zabaltzeko, urtero egiten du honelako dekretu bat, zeinaren bidez diru-laguntzetarako deialdia egiten baitu Bizkaiko Lurralde Historikoko udal erakusketa-aretoek garrantzi bereziko praktika artistiko garaikideak zabaltzeko programatzen dituzten erakusketa koordinatuak sustatzeko.

Bizkaiko Foru Aldundiaren 2018ko martxoaren 6ko 22/2018 Foru Dekretuak, zeinak Bizkaiko Foru Aldundiko Euskara eta Kultura Sailaren egitura organikoari buruzko erregelamendua onesten duen, sail horri eskumen hau esleitzen dio: Bizkaian kultura sustatu eta zabaltzea, gure kulturaren ezagutza eta garapenetik abiatuta eta beste kultura guztiei ateak zabalduz.

Foru-dekretu honek bete egiten ditu erregulazio onaren printzipioak; printzipio horiek Administrazio Publikoen Administrazio Prozedura Erkidearen 2015eko urriaren 1eko 39/2015 Legean aurrez ikusten dira eta Bizkaiko Foru Aldundiaren 2017ko urtarrilaren 17ko 2/2017 Foru Dekretuaren 3. artikuluan jasotzen dira (dekretu horren bidez, Bizkaiko Foru Aldundian xedapen orokorrak egiteko prozedura arautzen da).

Foru-dekretu horretan xedatutakoa kontuan hartuta, txosten hauek eman dira foru dekretu hau egin denean:

1. Proiektua sustatu duen sailaren txosten juridikoa.
2. Generoaren eraginaren aurretiazko ebaluazioari buruzko txostena.
3. Kontrol ekonomikoari buruzko txostena.
4. Legezketasunari buruzko txostena.

Bizkaiko Kondaira Lurraldeko Foru Erakundeen Hautapen, Antolaketa, Erregimen eta Funtzionamenduari buruzko 1987ko otsailaren 13ko 3/1987 Foru Arauaren 39.k) artikulua ezartzen du foru diputatuen eskumena dela, besteak beste, Foru Aldundiari proposamenak aurkeztea haien sailtako gaiei buruzko foru dekretuen proiektuak onar ditzan. Bestalde, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 16.1 artikulua ahalme-



na ematen dio Bizkaiko Foru Aldundiari diru-laguntzen emakida arautuko duten oinarriak onesteko. Eta Diru-laguntzen Erregelamendua onesten duen Bizkaiko Foru Aldundiaren 2010eko martxoaren 23ko 34/2010 Foru Dekretuaren 41.1 artikulua aukera ematen du diru-laguntzen oinarri arautzaileak eta deialdia batera izapidetzeko, eta ezartzen du Bizkaiko Foru Aldundiaren Gobernu Kontseiluari dagokiola onartzea, egintza bakarrean.

Hori dela bide, Euskara eta Kultura Saileko foru-diputatuaren ekimenez, eta aurrez Bizkaiko Foru Aldundiak 2019ko maiatzaren 21eko bileran azterturik, honako hau,

XEDATZEN DUT:

Artikulu Bakarra.—Foru Aldundiaren diru-laguntzen oinarriak eta deialdi publikoa onartzea

Honen bidez, 2019. urtean Bizkaiko Lurralde Historikoko udal erakusketa-aretoek garrantzi bereziko praktika artistiko garaikideak zabaltzeko programatzen dituzten erakusketa koordinatuak sustatzeko Euskara eta Kulturako Foru Sailak emango dituen diru-laguntzen oinarri arautzaileak eta deialdia onartzen dira. Ondoren jasotzen da oinarrien eta deialdiaren testua.

I. TITULUA

XEDAPEN OROKORRAK

1. oinarria.—Diru-laguntzaren xedea

1. Foru-dekretu honen babesean diruz laguntzen diren jarduerak hauek izango dira: Bizkaiko Lurralde Historikoko udal erakusketa-aretoek edo Bizkaiko udalek itundutako erakusketa-aretoek 2019. urtean garrantzi bereziko praktika artistiko garaikideak zabaltzeko programatzen dituzten erakusketa koordinatuak.

Diru-laguntza jasoko duten erakusketak 2019. urtean hasi behar dira, eta honelakoak izan daitezke:

- a) *Udalerrri bakar batean egiten diren erakusketa koordinatuak*: udalerrri bakar batera-programatuta dauden erakusketak, gutxienez ere bi asteko iraupena dutenak.
- b) *Udalerrri batzuetan egiten diren erakusketa koordinatuak*: gutxienez ere bi udalerrritan programatutako erakusketak, gutxienez hiru asteko iraupena dutenak eta erakusketari buruzko alderdi guztietarako komisario/arduradun bat dutenak (erakusketaren parte-hartzaileak aukeratzeko, katalogoa zuzentzeko, komunikazioa egiteko eta arte garaikidearen sustapen eta zabalkundea lortzeko beharrezkoak diren beste alderdi guztietarako).

Foru-dekretu honen ondorioetarako, komisarioa da Artearen Historian, Estetikan edo Arte Ederretan prestakuntza duen pertsona eta/edo galerietan, museoetan, fundazioetan, eta abarretan komisario ibili dena.

2. Foru-dekretu honen aplikazio-eremutik kanpo geratzen dira honako hauek egingarriak diren jardueren ondoriozkoak diren erakusketei buruzko proiektuak:

- a) Udaletako ikus-arte tailerretan parte hartzen dituzten partaideenak.
- b) Akademia pribatuenak.
- c) Ikastetxeenak eta irakaskuntza-zentroenak.

3. Kanpo geratuko dira sexuaren araberako diskriminazioa eragiten duten proiektuak edo erakusketak ere.

4. Diruz laguntzeko gastutzat joko dira batere zalantzarik gabe lagundutako jardueraren izaerarekin bat datozenak, guttiz beharrezkoak direnak eta ezarritako epearen barruan egiten direnak, baina diru-laguntza jaso dezaketen gastuen eskuraketa-kostua ezin da inola ere izan merkatuko balioa baino handiagoa. Honako gastu hauek jaso dezakete diru-laguntza:

- a) Erakusketarako katalogoaren edizioa (diseinua, argazkiak, testuak idaztea eta inprimatzea).



- b) Erakusketako komisariotza.
- c) Artelanak dauden tokitik erakusketa aretora garraiatzea eta jatorrizko lekura itzultzea, bai eta areto batetik beste batera garraiatzea ere.
- d) Bisita gidatuak.
- e) Artisten ordainsariak.
- f) Erakunde eskatzaileak erakusketarako berariaz kontratatutako langileak.
- g) Erakusketaren publizitatea.

Ez dira diruz lagundu daitezkeen gastuak izango erakusketa-aretoek berek sortutako gastuak: mantentzea, erakundearen egiturako langileak, erakusketarekin zuzeneko lotura duen materialaren erosketa, eta abar.

5. Foru-dekretu honen helburua erakunde eskatzaileen ekintzak babestu eta osatzea da; hori dela eta, ez dira inoiz finantzatuko jarduera egiteagatik sortutako gastu guztiak.

2. oinarria. — Erakunde onuradunak

1. Foru-dekretu honen onuradunak bakar-bakarrik izango dira Bizkaiko Lurralde Historikoko udalak eta udal erakunde autonomoak, eta, onuradun izateko, 2005eko maiatzaren 31ko 5/2005 Foru Dekretuaren 12. artikuluan ezarritako kasuetan ez egoteaz gainera, baldintza hauek bete beharko dituzte, nahitaez:

- a) Erakusketa-areto gisa erabiltzeko kultur ekipamenduak edukitzea, udal jabetza-koak edo itundutakoak, betiere ekipamenduok erabilera horretarako beharrez-koak diren baldintzak betetzen badituzte.
- b) Halako ekipamenduetarako ezarrita dauden segurtasun-neurriak betetzea.
- c) Aretoak arduradun bat izatea.
- d) Aretoa zainduta egotea, jendearentzat zabalik dagoen orduetan.
- e) Egunean gutxienez ere lau orduz irekita egotea jendearentzat (goizez eta/edo arratsalde).

2. Sexua dela-eta inor baztertzegatik administrazio-zehapenik edo zehapen penalik jaso duten erakundeek ezin izango dute dekretu honetan araututako deialdian parte hartu, dagokien zehapena indarrean dagoen bitartean; halaber, Emakumeen eta Gizonen berdintasunerako ekainaren 20ko 4/2018 Foru Araua dela-eta debeku hori ezarri zaienak ere dekretu honek arautzen duen deialditik kanpo geldituko dira.

II. TITULUA

ARAUBIDE JURIDIKOA

3. oinarria. — Aplikatu beharreko araudia

Foru-dekretu honetan jasota ez dagoenerako, honako hauek ezarriko dira: Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Araua, 2010eko martxoaren 23ko 34/2010 Foru Dekretuaren bidez onetsitako Diru-laguntzen Erregelamendua, eta, haien guztien osagarri moduan, Administrazioen Publikoen Administrazio Prozedura Erkidearen 2015eko urriaren 1eko 39/2015 Legea, Sektore Publikoaren Araubide Juridikoaren 2015eko urriaren 1eko 40/2015 Legea eta beste edozein arau xedapen, duen izaeragatik ezartzeko modukoa baldin bada.

4. oinarria. — Arau-hausteak eta zehapenak

Arau-hauste eta zehapenei dagokinez, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren IV. tituluaren xedatutakoa ezarriko da, bai eta arau hori garatzen duen erregelamenduaren IV. tituluaren ere.

**III. TITULUA
PROZEDURA****5. oinarria. — Eskabideak aurkezteko lekua eta epea**

1. Administrazio Publikoen Administrazio Prozedura Erkidearen urriaren 1eko 39/2015 Legearen 14.2.a) artikulua araberak, diru-laguntzetarako eskabideak Bizkaiko Foru Aldundiaren egoitza elektronikoaren bidez aurkeztu beharko dira (<https://www.ebizkaia.eus/eu/hasiera>).

2. Eskabideak aurkezteko epea foru-dekretua Bizkaiko Aldizkari Ofizialean argitaratu eta hurrengo egunetik 2019ko ekainaren 21era arte izango da (egun bi horiek barne).

6. oinarria. — Eskabidearekin batera aurkeztu behar diren agiriak

1. Eskabideak aurkezteko, Bizkaiko Foru Aldundiaren egoitza elektronikoan bete eta aurkezteko dauden eredu espezifikoak erabili behar dira (<https://www.ebizkaia.eus/eu/hasiera>), 39/2015 Legearen 66.6 artikuluan ezarritakoarekin bat.

Udalerrri batzuetan egiten den erakusketa koordinatu bat finantzatzeko diru-laguntza bada, proiektu koordinatuan parte hartzen duen erakunde bakoitzak egin beharko du bere eskabidea, eta berariaz adierazi beharko du proiektua bere udalerrian egiteak sortzen duen gastua.

2. Eskabidearekin batera, dokumentazio orokor eta espezifiko hau erantsi beharko da:

a) Pertsona fisiko batek NAN elektronikoa erabili badu eskabidea egiteko jarduteko ordezkari-tza-ahalordea aurkeztu beharko du.

b) Banku-helbideratzearen fitxa, behar bezala beteta, alta edo aldaketaren bat egon bada, bakarrik.

c) Erakusketa bakoitzari buruzko proiektua, horren helburuak eta edukia zehazten duena, hurrengo ezaugarriak barne hartuz:

1) Erakutsiko diren lanen egilearen biografia edo curriculum-vitae.

2) Hala behar denean, lana erakusgai duten bizkaitarren erroldatze-ziurtagiria, jaiotza-ziurtagiria edo NANaren fotokopia.

3) Hala behar denean, komisarioaren izena eta curriculum.

4) Erakusketa iragartzeko kartelaren diseinua eta, hala badagokio, katalogoarena.

5) Hala behar denean, bisita gidatuak egiteko aurreikusitako daten zerrenda, bisiten hizkuntza, eta bisiten arduradunaren identitatea.

3. Hainbat udalerriren artean koordinatutako erakusketen kasuan, egoitzan dagoen eremuan beteko da erakusketaren/erakusketen ibilbidea, eta datak, udalerria eta lekua zehaztuko dira.

4. Bizkaiko Foru Aldundiak egiaztatu egingo ditu eskabidea sinatzen duen pertsonaren identifikazio-datuak.

Halaber, Bizkaiko Foru Aldundiak eskatzailearen banku-kontuaren titulartasun-datuak egiaztatuko ditu, betiere eskatzaileek berariaz uko egiten ez badiote horri.

Datu pertsonalak eskuratzeko modua bat etorriko da Datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzko Europako Parlamentuaren eta Kontseiluaren 2016ko apirilaren 27ko 2016/679 Erregelamenduan (EB) eta erregelamendu hori garatzen duen araudian ezarritakoarekin bat, bai eta Datu pertsonalak babestu eta eskubide digitalak bermatzeko abenduaren 5eko 3/2018 Lege Organikoan ezarritakoarekin bat etorritik.

5. Halaber, eskaera hau sinatuta baimena ematen zaio Euskara eta Kulturako Foru Sailari Ogasunaren eta Gizarte Segurantzaren ziurtagiriak eskatzeko, Diru-laguntzei buruzko maiatzaren 31ko 5/2005 Foru Arauaren 21.3 artikuluan ezarritako ondorioetarako.

**7. oinarria.— Eskabideak zuzentzea eta hobetzea**

1. Eskabideak behar bezala beteta ez badaude, edo eskabidearekin batera foru-dekretu honetan eskatutako agirietakoren bat aurkeztu ez bada, errekerimendua egingo zaio erakunde eskatzaileari, hamar (10) egun baliouduneko epearen barruan akatsa zuzendu edo beharrezko agiriak aurkez ditzan. Era berean, ohartaraziko zaio, hala egiten ez badu, eskaeran atzera egin duela ulertuko dela eta, behin ebazpena emanda, eskaera artxibatu egingo dela.

2. Edonola ere, Kultur Ekintzako Zerbitzuak aurkezten diren eskabideak behar bezala ulertzeko eta ebaluatzeko beharrezkotzat jotzen duen informazio osagarri guztia eskatu ahal izango du.

8. oinarria.— Diru-laguntza emateko prozedura

1. Diru-laguntzak norgehiagoka sistemaren bidez emango dira: foru-dekretu honen 9. oinarrian ezartzen diren irizpideen arabera baloraziorik altuena lortzen duten eskabideei emango zaie diru-laguntza, baina kontuan hartuta dagokion aurrekontuko partidan izendatutako zenbatekoa muga dela.

2. Bizkaiko Foru Aldundiaren 2010eko martxoaren 23ko 34/2010 Foru Dekretuaren 27. artikuluan xedatutakoaren arabera (dekretu horren bidez, Diru-laguntzen Erregelamendua onesten da, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Araua garatzen duena), emandako diru-laguntzen zenbatekoa, deialdi honen arabera, erakunde eskatzaileak jarduerarako aurkeztutako aurrekontuari edo aurrekontu horren ondorengo aldatetei ehuneko bat aplikatuz lortuko da. Ehuneko hori erreferentzia gisa erabiliko da diru-laguntzak jardueraren amaierako kostuarekiko izango duen behin betiko zenbatekoa zehazteko.

9. oinarria.— Ebaluazio-irizpideak

1. Udalerri bakar batean egiten diren erakusketa koordinatuak finantzatzeko diru-laguntzen zenbatekoa zehazteko, beheko irizpideak eta haien haztapena hartuko dira kontuan. Gehienez, 100 puntu emango dira, honela banatuta:

- a) Erakusketaren katalogoaren edizioa: 15 puntu. Artearen munduko profesional batek idatzi behar du katalogoa, eta, gutxienez ere, erakusketako artelanen balorazio kritiko bat jaso behar du, lanen testuingurua kontuan hartuta.
- b) Bisita gidatuak: 20 puntu gehienez:
 - 1) Bisita gidatu bat: 5 puntu.
 - 2) Bi edo hiru bisita egitea, haietako bat gutxienez euskaraz: 15 puntu.
 - 3) Gutxienez ere lau bisita gidatu egitea, haietako bi gutxienez euskaraz: 20 puntu.
- c) «Ertibil-Bizkaia» Ikus-artearen Erakusketa Ibiltarirako deialdietan saritutako artisten parte-hartzea: 20 puntu, gehienez:
 - 1) Artista baten parte-hartzea: 10 puntu.
 - 2) Artista biren parte-hartzea: 15 puntu.
 - 3) Hiru artista edo gehiagoren parte-hartzea: 20 puntu.
- d) Erakusketan Bizkaiko artistek parte hartzea: 10 puntu, gehienez:
 - 1) Bizkaiko artista bat edo bi badira: 5 puntu.
 - 2) Bizkaiko hiru artista edo gehiago badira: 10 puntu.Horretarako, Bizkaiko artistatzat joko dira Bizkaiko Lurralde Historikoan erroldatutakoak eta/edo jaiotakoak.
- e) Erakusketaren kalitate artistikoa: baloratuko da abangoardiako artea, sormen-berrikuntza dakarrena, eta sorkuntza alternatiboa eta arte-joera berriak sustatzen dituzten proiektuak lehenetsiko dira. 25 puntu, gehienez.
- f) Komisarioa: 10 puntu.



2. Udalerrri batzuetan egiten diren erakusketa koordinatuak finantzatzeko diru-laguntzen zenbatekoa zehazteko, beheko irizpideak eta haien haztapena hartuko dira kontuan. Gehienez, 100 puntu emango dira, honela banatuta:

- a) Erakusketaren katalogoaren edizioa: 10 puntu.
- b) Bisita gidatuak: 25 puntu gehienez:
 - 1) Bisita gidatu bat udalerrri bakoitzean: 5 puntu.
 - 2) Bi edo hiru bisita gidatu udalerrri bakoitzean, haietako bat gutxienez euskaraz: 15 puntu.
 - 3) Lau bisita gidatu edo gehiago udalerrri bakoitzean, haietako bi gutxienez euskaraz: 25 puntu.
- c) «Ertibil-Bizkaia» Ikus-artearen Erakusketa Ibiltarirako deialdietan saritutako artisten parte-hartzea: 20 puntu, gehienez:
 - 1) Artista baten parte-hartzea: 10 puntu.
 - 2) Artista biren parte-hartzea: 15 puntu.
 - 3) Hiru artista edo gehiagoren parte-hartzea: 20 puntu.
- d) Erakusketan Bizkaiko artistek parte hartzea: 10 puntu, gehienez:
 - 1) Bi eta bost artista bitartean: 5 puntu.
 - 2) Sei artista baino gehiago: 10 puntu.Horretarako, Bizkaiko artistatzat joko dira Bizkaiko Lurralde Historikoan erroldatutakoak eta/edo jaiotakoak.
- e) Erakusketaren kalitate artistikoa: baloratuko da abangoardiako artea, sormen-berrikuntza dakarrena, eta sorkuntza alternatiboa eta arte-joera berriak sustatzen dituzten proiektuak lehenetsiko dira: 25 puntu gehienez.
- f) Erakusketa zenbat aretotan jarriko den ikusgai: 10 puntu gehienez:
 - 1) 3-4 aretotan: 5 puntu.
 - 2) 5 areto edo gehiagotan: 10 puntu.

3. Udalerrri batean egiten diren erakusketa koordinatuetarako eskabideak ezetsiko dira baldin eta gutxienez ere berrogei (40) puntu lortu ez badituzte; udalerrri batzuetan egiten diren koordinatuetarako eskabideak, berriz, baldin eta gutxienez ere berrogeita bost (45) puntu lortu ez badituzte.

4. Udalerrri bakar batean egiten diren erakusketa koordinatuen proiektuetarako gehieneko diru-laguntzen zenbatekoa jardueraren aurrekontu osoaren %50 izango da, gehienez, aurrekontua behin aztertu eta dagozkien doikuntzak egin ostean, eta ez da inola ere bi mila eta bostehun (2.500) eurotik gorakoa izango.

Udalerrri batzuetan egiten diren erakusketa koordinatuen proiektuetarako gehieneko diru-laguntzen zenbatekoa jardueraren aurrekontu osoaren %70 izango da, gehienez, proiektu bakoitzerako, aurrekontua behin aztertu eta dagozkien doikuntzak egin ostean, eta ez da inola ere lau mila (4.000) eurotik gorakoa izango.

Honela banatuko da erabilgarri dagoen aurrekontu-muga:

- a) Udalerrri bakar batean egiten diren erakusketa koordinatuen proiektuetarako: hamar mila (10.000) euro.
- b) Udalerrri batzuetan egiten diren erakusketa koordinatuen proiektuetarako: hogei mila (20.000) euro.

Foru-dekretu honetan dauden kategoria bietako baterako aurrekontuko kreditua agortzen ez bada, adjudikatu gabeko zenbatekoa gehitu ahal izango zaio beste kategoriarri.

10. oinarria. — Aholkularitza

Foru-dekretu hau dela-eta sortutako zalantza edo kontsulta guztiak argitzeko beharrezkoa den laguntza teknikoa edo aholkularitza eskainiko ditu Bizkaiko Foru Aldundiko Kultur Ekintzako Zerbitzuak. Horretarako, helbide hau dago erabilgarri webean: <http://www.bizkaia.eus/laguntzaileKulturEkintza>

**11. oinarria. — Ebazpena**

1. Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 22.4. artikuluan xedatutakoa betez, interesdunek, deialdi honetan, ez dute entzunaldiaren izapiderik izango behin-behineko ebazpen-proposamenaren ondoren; izan ere, interesdunek aurkeztu dituzten egitateak, alegazioak eta frogak baino ez dira jaso eta kontuan hartuko prozeduran.

2. Deialdia ebatzi baino lehen, Kultur Ekintzako Zerbitzuak erakunde eskatzaileek zerga betebeharrak eta Gizarte Segurantzarekikoak eguneraturik dituztela egiaztatuko du. Egiaztapena egin ondoren, eskatzailearen batek betebeharrak horietako bat, edozein, ez duela betetzen ikusten bada, errekerimendua egingo zaio 10 eguneko epean egoera hori erregulariza dezan, eta ohartaraziko zaio hori egiten ez badu bere eskabidean atzera egindakotzat joko dela.

3. Eskabideei buruzko ebazpena emateko eta jakinarazteko epea lau (4) hilabete-koa izango da gehienez, eskabideak aurkezteko epea amaitzen denetik zenbatuta.

Euskara eta Kultura Saileko foru diputatuak emango du ebazpena, Kultur Ekintzako Zerbitzuak proposamena eginda.

Epe hori eskabideari buruzko ebazpen adierazirik eman gabe igarotzen bada, eskabidea ezetsizat joko da; hala ere, geroago ebazpen adierazia eman ahal izango da.

4. Deialdi hau ebazteko ematen den foru-agindua deialdi publiko honetarako eskabidea aurkeztu duten erakunde interesdunei jakinaraziko zaie; horretarako, iragarkia argitaratuko da Bizkaiko Aldizkari Ofizialean. Egoitzan agertzeko sistemaren bidez ere jakinaraziko zaie erakunde interesdunei.

Jakinarazpen horrek espresuki jasoko du ebazpenak administrazio bidea bukatzen duela, eta interesa duen herri administrazioak bi hileko epea duela administrazioarekiko auzi-bidetik errekurritzeko, ebazpena jakinarazi eta biharamunetik zenbatzen hasita. Aurrez errekerimendua egin bada —Administrazioarekiko Auzien Jurisdikzioa arautzen duen 1998ko uztailaren 13ko 29/1998 Legearen 44. artikuluan zehazten denaren arabera—, orduan, errekurtsioa aurkezteko epea beren-beregiko erabakiaren jakinarazpena jaso eta biharamunean hasiko da zenbatzen edo, bestela, ustez ezetsizat jo eta biharamunean.

12. oinarria. — Beste diru-laguntza batzuekiko bateragarritasuna

1. Foru-dekretu honen babesean emandako diru-laguntzak bateragarriak izango dira beste administrazio batzuek edo erakunde publikoek nahiz pribatuek, estatukoek nahiz nazioartekoek, xede bererako ematen dituztenekin.

2. Diru-laguntza emateko kontuan hartutako baldintzaren baten aldaketak, eta dena dela, aldi berean estatuko edo nazioarteko beste administrazio edo erakunde publiko edo pribatuek emandako beste diru-laguntza edo laguntza batzuk lortzeak, diru-laguntza emateari buruzko ebazpena aldatzea ekar dezakete, foru-dekretu honen bitartez araututako diru-laguntzei doakien zenbatekoa, bera bakarrik edo beste diru-laguntza edo laguntzaren batekin batera, inola ere ez baita izango erakunde onuradunak garatuko duen jardueraren kostua baino handiagoa.

IV. TITULUA

DIRU-LAGUNTZAK KUDEATZEA ETA JUSTIFIKATZEA**13. oinarria. — Diru-laguntza ordainketa**

1. Deialdi hau ebazteko ematen den foru agindua Bizkaiko Aldizkari Ofizialean argitaratu eta ondorengo hamar egun baliiodunetan erakunde onuradunak ez badio beren beregi eta egoitzan agertzeko sistemaren bidez uko egiten, diru-laguntza onartu duela ulertuko da.

Diru-laguntza eman dela Bizkaiko Aldizkari Ofizialean argitaratu ondoren, 10 egun baliiodun igaro eta berehala, Kultur Ekintzako Zerbitzuak hari dagokion zenbatekoaren



ordainketa izapidetuko du Ogasun eta Finantzen Foru Sailean, eta erakunde onuradunei ez zaie horretarako inolako bermerik eskatuko.

2. Diru-laguntza ordaindu baino lehen, egiaztatuko da erakunde onuradunek zerga-betebeharrak eta Gizarte Segurantzarekikoak egunean dituztela.

Egiaztapena egin ondoren ikusten bada erakunde onuradunetako batek betebeharrak horietako edozein ez duela betetzen, errekerimendua egingo zaio 10 eguneko epean egoera hori erregulariza dezan, eta ohartaraziko zaio, horrela egiten ez badu, emandako diru-laguntza jasotzeko eskubidea galduko duela.

14. oinarria. — Diru-laguntza onuradunaren borondatez itzultzea

1. Bizkaiko Foru Aldundiaren 2010eko martxoaren 23ko 34/2010 Foru Dekretuaren 76. artikuluan xedatutakoaren arabera (dekretu horren bidez, Diru-laguntzen Erregelamendua onesten da, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Araua garatzen duena), onuradunak bere ekimenez itzuli ahal izango du Bizkaiko Foru Aldundiak emandako diru-laguntza, foru erakundeak eskatu gabe.

Halakoetan, Bizkaiko Foru Aldundiak diru-laguntza benetan itzultzen den arte sortutako berandutze-interesak kalkulatu ditu, aipatutako 76. artikuluan eta 5/2005 Foru Arauaren 34. artikuluan ezarritakoarekin bat etorrira.

2. Erakunde onuradunak ordainketa-gutun bat erabili behar du diru-laguntza forala bere ekimenez itzultzeko. Ordainketa-gutun hori Kultur Ekintzako Zerbitzuaren bulegoetan izapidetuko da, onuradunak eskaera aurkeztu eta gero. Ordainketa-gutunean honako hauek adierazi behar dira: itzuli beharreko zenbatekoa (printzipala eta berandutze-interesak), ereduaren kodea eta diru-sarreraren zergatia. Itzuli behar den diru-laguntza ere aipatu behar da.

3. Diru-laguntzaren onuradunak ordainketa finantza-erakunde batean egin ondoren, ordainketaren kopia edo diru-sarreraren frogagiria bidali beharko dio Kultur Ekintzako Zerbitzuari.

15. oinarria. — Justifikazioa egiteko epea eta era

Foru-dekretu honen bitartez araututako diru-laguntzen erakunde onuradunek honako konpromiso hauek bete beharko dituzte:

1. Diru-laguntza ematea eragin duen jarduera gauzatzea 2019ko ekitaldian.
2. Bizkaiko Foru Aldundiaren martxoaren 23ko 34/2010 Foru Dekretuaren bidez onetsitako Diru-laguntzei buruzko Erregelamenduaren 57. artikuluekin bat etorrira, Bizkaiko Foru Aldundiko Euskara eta Kultura Sailean justifikatzea jarduerak egin direla, laguntza ematea eragin zuten baldintzak bete direla, eta diruz lagundu den proiektuari dagokion gastua nola aplikatu den ere bai. Horretarako, honako agiri hauek aurkeztu behar dira, egoitzan, 2020ko martxoaren 27ra arte (egun hori barne):
 - a) Diru-laguntza ematerakoan ezarritako baldintzak bete direla justifikatzen duen jarduera-memoria, egindako jarduerak eta lorturiko emaitzak adierazita.
 - b) Egindako jardueren kostua justifikatzen duen txosten ekonomikoa, honako alderdi hauek jasotzen dituena:
 - 1) Proiektuari egotzitako sarrera eta gastuen egoera-orria, egoitzan dagoen ereduaren arabera.
 - 2) Gastu-partida bakoitzean, diru-laguntza jaso duen jardueraren gastuen zerrenda egoitzan dagoen ereduaren arabera.
 - 3) Aurreko idatz-zatian aipatutako zerrendan jaso diren fakturak edo merkataritzako trafiko juridikoan froga-balio baliokidea edo eraginkortasun administratiboa duten gainerako agiriak eta, hala badagokio, ordainketa egiaztatzeko agiriak.



- 4) Dirulaguntzen, laguntzen, diru-sarreraren edo baliabideen zerrenda zehazta, eta, hala bada, finantzaketa propioarena ere bai, baldin eta horiek finantzatu badute dirulaguntza jaso duen jarduera; xehetasun hori egoitzan dagoen ereduaren arabera egingo da partida bakoitzaren arabera.
- c) Diruz laguntzeko gastuaren aurrekontua justifikatzeko, 2005eko maiatzaren 31ko 5/2005 Foru Arauaren 29.3 artikuluan xedatutakoaren arabera, foru diru-laguntzaren erakunde onuradunak egiaztagiriak aurkeztu behar ditu, gutxienez hiru hornitzailek egin dizkioten eskaintzak justifikatzeko, baldin eta administrazio-kontrataziorako araudian kontratu txikirako ezarritako zenbatekoak gainditzen badira, salbu eta kontratuaren ezaugarri bereziak direla-eta merkatuan ez badago halakorik egin dezakeen erakunde nahikorik edo gastua eskabidea aurkeztu aurretik egin bada.
- d) Egitaraua gauzatzeko prestatutako esku-egitarau, kartel, argazki, argitalpen, ikus-entzunezko eta informatikako materialen aleak, baita beste edozein motatako agiri grafikoren aleak ere; haietan, erraz ikusteko eran agertu behar da jarduera horretarako Bizkaiko Foru Aldundiak diru-laguntza eman duela. Horretarako, Bizkaiko Foru Aldundiaren erakunde-elementuak sartuko dira material horietan, foru-dekretu honen 16. oinarriaren e) letran ezarritakoarekin bat etorruta. Betebehar hori laguntza eman zaiela jakinarazi ondoren egindako jardueri bakarrik dagokie.

16. oinarria. – Diru-laguntzaren erakunde onuradunaren beste betebehar batzuk

Erakunde onuradunak betebehar hauek ere izango ditu:

- a) Diru-laguntza ematea orduan kontuan hartu den edozein alderdi objektibo edo subjektibok aldaketarik izan badu, horren berri ematea diru-laguntza eman dionari, egoitzaren bidez.
- b) Jardueraren hasiera-dataren eta amaiera-dataren berri ematea diru-laguntza eman dionari, egoitzaren bidez. Halaber, diruz lagundutako jarduera kontrolatzeko, haren jarraipen egiteko edo jarduera ikuskatzeko eginkizunak edo ahalmenak gauzatzeko lanak erraztu beharko ditu.
- c) Euskara eta Kulturako Foru Sailari laguntzea, hala eskatzen bazaio, eta kultura arloko edozein informazio ematea (azterlanak, inkestak, datu estatistikoak, etab.).
- d) Euskara eta Kultura eta Ogasun eta Finantza sailek eta Herri Kontuen Euskal Epaitegiak egiaztatzeke egin dezaketen behar beste jardun onartzea.
- e) Diru-laguntza eman ondoren editatutako material guztietan eta jendaurreko agerpen guztietan, Bizkaiko Foru Aldundiaren babesaren agerraztea. Horretarako, Bizkaiko Foru Aldundiaren irudi korporatiboan ezarritako elementuak baliatuko dira, eta logotipoaren aldamenean esaldi hau agertuko da, hitzez hitz:
«Bizkaiko Foru Aldundiak babestutako ekintza / Actividad subvencionada por la Diputación Foral de Bizkaia.»
Euskara hutsean garatutako proiektuetan, gainera, euskararen txantxangorriaren irudia sartu beharko da.
- f) Programaren erakunde sustatzaileak, diru-laguntza honen onuradun denak, bere gain hartzen ditu programaren ondoriozko erantzukizun guztiak, eta konpromisoa hartzen du programa garatzeko beharrezkoak diren baimenak eskatzeko.
- g) EAEko hizkuntza ofizial biak erabiltzea diru-laguntzaren xede den jardueraren publikitatean eta zabalkundeetan, bai euskarri grafikoen bai ikus-entzunezko komunikabideetan (era guztietako iragarkiak, kartelak, liburuxkak...).
- h) Emakumeen eta gizonen berdintasuna sustatzea lanpostuen definizio, sarbide, kontratazio eta iraungipenean, lanbide-sailkapenean, sustapenean, prestakuntzan, laneko segurtasun eta osasunean, ordainsari-politikan, erantzunkidetasunean, bizitza pertsonal, lan-bizitza eta familia-bizitza uztartzearen arloan, lanaren kalitate eta egonkortasunean, lanaldiaren iraupen eta antolamenduan, ekintza



- sindikak, ordezkaritza eta negoziazio kolektiboan, betiere diskriminaziorik sortzen ez duten lan-baldintza duin eta gizalegezkoak bermatuta.
- i) Zaintzea emakumeen eta gizonen tratamendua, protagonismoa eta balorazioa baliokideak izan daitezen, eta berdintasuna, presentzia orekatua, dibertsitatea, erantzunkidetasuna, eta generoaren rol eta identitateen aniztasuna balio dituen irudi bat sustatzea idatzizko zein ahozko komunikazioetan, ikonografian, publikitate-ekintzetan, barruko zein kanpoko komunikazio formal eta informalean, eta proiektuari edo jarduerari lotutako edo proiektua edo jarduera egiteko sortutako materialetan.
 - j) Diruz lagundutako proiektua gauzaten den bitartean, ez erabiltzea hizkera sexistarik dokumentuetan, ikus-entzunezkoetan eta gisakoetan (idatzizkoetan zein digitaletan), eta pertsoneri buruzko edozein estatistikatan datuak sexuaren arabera bereiz jasotzea, hala ezartzen baitu arlo horretan gorde behar diren printzipio nagusiak jasotzen dituen Emakumeen eta Gizonen Berdintasunerako ekainaren 20ko 4/2018 Foru Arauaren 3 artikulua.
 - k) Bizkaiko Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 13. artikuluan eta Bizkaiko Foru Aldundiaren 2010eko martxoaren 23ko 34/2010 Foru Dekretuaren bidez onetsi den Diru-laguntzen Erregelamenduari 54. artikuluan eta hurrengoetan ezarritako gainerakoak.
 - l) Deialdi honi dagokionez, diru-laguntza foral baten onuradunek bete egin behar dituzte 5/2005 Foru Arauaren 27. artikuluan eta Diru-laguntzen Erregelamenduari 53. artikuluan azpikontratazioa dela-eta zehazten diren betekizunak eta debekuak. Onartutako azpikontratazioaren gehienezko ehunekoa diruz lagundutako jardueraren %90 izango da.

17. oinarria. — Itzulketa

1. Jasotako diru-laguntza eta dagozkion berandutze-interesak itzuli beharko dira, baldin eta ez badira betetzen aurreko oinarrietan, 2005eko maiatzaren 31ko 5/2005 Foru Arauaren 33. artikuluan edo foru arau hori garatzen duen Erregelamenduan jasotako betebeharretariko bat edo batzuk. Besteak beste, honelakorik gertatzen bada:

- a) Justifikatu beharra betetzen ez bada.
- b) Emandako diru-laguntzari dagokion helburua bete ez bada.
- c) Proiektua egiteko epea bete ez bada.
- d) Diru-laguntza horretarako eskatutako baldintzak bete gabe lortu bada.
- e) Ezarritako kontrol-jarduerak egiteari uko egiten bazaio edo eragozpenak jartzen badira.
- f) Foru-dekretu honetan ezarritako gainerako baldintzak betetzen ez badira.

2. Diru-laguntza jaso duen jarduketaren kostua baino finantzaketa handiagoa jasotzen bada, laguntza itzuli egin beharko da.

18. oinarria. — Aurrekontuko partida

1. Deialdi honen babesean diru-laguntzak emateko 2019. urtean dagoen aurrekontu-muga hogeita hamar mila eurokoa (30.000,00 euro) da. Kopuru hori 2019. urteko aurrekontuko 0405 G/334104/43299 partidaren pentzutan (2007/0209 proiektu zenbakia) ordainduko da.

2. Eskera guztiak ebatzi ondoren, gehieneko aurrekontu-mugara iritsi ezean, gastu baimenaren ezeztapena izapidetuko da, soberan dagoen zenbatekoan.



AZKEN XEDAPENAK

Azken Xedapenetako Lehenengoa. — *Ahalmena ematea*

Ahalmena ematen zaio Euskara eta Kulturako foru diputatuari, foru-dekretu honetan xedatutakoa ondoen garatzeko beharrezkoak diren xedapen guztiak eman ditzan.

Azken Xedapenetatik Bigarrena. — *Indarrearantz jartzea*

Foru-dekretu hau Bizkaiko Aldizkari Ofizialean argitaratu eta biharamunean jarriko da indarrearantz.

Bilbon, 2019ko maiatzaren 21ean.

Euskara eta Kulturako foru diputatua,
LOREA BILBAO IBARRA

Ahaldun Nagusia,
UNAI REMENTERIA MAIZ